

# Te Hiranga Te Reo Rangatira

## Te Tautuhinga Aromatawai ā-Waho 2025



Te Paerewa Paetae	93009
Te Tukanga Aromatawai	<a href="#">He Whakamātautau ā-Waho</a>
Te Rā o te Aromatawai	Ka whakamana te rā i te tau kei te heke mai
Te Roanga o te Aromatawai	E toru haora (3hr)
Ngā Wātaka 2025	<a href="#">Examination timetable and assessment dates 2025</a>

### He Whakamātautau ā-Matihiko

Hei kōnae matihiko hoki te aromatawai ā-waho nei, e taea ai e ngā ākonga te whakamātautau nei te whakaoti i te rorohiko.

Ko ngā rauemi i te aromatawai ā-matihiko he tuhinga rānei, he whakaahua pateko rānei, ko aua āhuatanga e rua rānei.

Ka kitea ētahi pārongo anō mō ngā aromatawai ā-matihiko i te paetukutuku a te Mana Tohu Mātauranga o Aotearoa.

### He Kōrero Whakamārama mō Te Hiranga Te Reo Rangatira

E toru haora te roa o tēnei whakamātautau ā-waho, ā, e rua ngā wāhanga e whakamahi ana i ngā pūkenga reo torohū, me ngā pūkenga reo whakaputa o te ākonga.

### Te Whakatakotoranga Aromatawai

Te Wāhanga 1: Te PĀNUI me te TUHITUHI

Ka whakaatu te ākonga i tōna tohungatanga ki te whakamahi i ōna pūkenga reo torohū (pānui) i ōna pūkenga reo whakaputa hoki (tuhinga roa) kia āta whakaō i ngā kaupapa huhua.

Te Tūmahi Tuatahi: Te pānui hei aroā

- E rua whārangi te roa o te pānuitanga.
- He reo ā-iwi te momo, ā, he kaupapa e kōrero ana mō tētahi tikanga, mō tētahi kaupapa rānei o te ao Māori.

### Tūmahi Tuarua: Te tuhituhi

- E rima rau kupu te roa o te tuhinga, ā, me reo Māori te katoa.
- He whai take, he tautohe, he whakapakepake, he whakawhere rānei te āhua o te tuhinga.
- Kia tika te whakamahi i ngā tūāhuatanga o te reo ōkawa, o te reo ōpaki.
- Kia tika te whakatakoto, ā, me aro ki ngā āhuatanga katoa o te wetewete reo.

### Te Wāhanga 2: Te WHAKARONGO me te KŌRERO

Ka whakaatu anō te ākongā i tōna tohungatanga ki te whakamahi i ōna pūkenga reo torohū (whakarongo) i ōna pūkenga reo whakaputa hoki (kōrero) kia āta whakaō i ngā kaupapa huhua.

#### Te Tūmahi Tuatoru: Te whakarongo (he whakapāohotanga):

- E toru ngā rongotanga a te ākongā i te whakapāohotanga.
- He kōrero tautohetohe te hanga.
- Tekau mā rima meneti te roa ki te whakarāpopoto kōrero, ā, me kaha arohaehae, me tīpako hoki i ngā whakatau, i ngā ariā matua o ngā taha e rua.
- Mā te kaiwhakahaere ngā pukapuka katoa e kōhi.

#### Te Tūmahi Tuawhā: Te kōrero

- E rima meneti te roa o te whakaputa kōrero, ā, he kōrero tene te hanga.
- Ka haere te ākongā ki rūma kē atu ki te hopu i tōna reo ki te kōpae, kāore hoki e āhei te hari pepa, te hari rauemi tautoko rānei ki roto i te rūma rā.
- Mā te ākongā anō tētahi kaupapa e āta kōrero, e āta kōtuitui i ōna mōhiotanga.
- Ka hopukina tana kōrero tene e te kaiwhakahaere, ā, ka waitohu hoki te ākongā i tana kōpae.

## Ngā Rauemi

Kotahi noa iho te pukapuka mō tēnei whakamātautau ā-waho. Kei roto hoki i te pukapuka ēnei whakamārama e whai ake nei:

- ngā tohutohu mō ia wāhanga e rua,
- ngā mahi mō ia tūmahi,
- ngā whārangi e wātea ana mō te tuhinga roa,
- he whārangi whakamahere whakaaro.

## Ngā Herenga Aromatawai

Me tutuki tēnei whakamātautau ki mua i te aroaro o te Kaiwhakahaere Whakamātautau, ki te wāhi tū ai ngā whakamātautau ā-waho, ā, me whai i ngā ture whakamātautau anō hoki:

[NCEA - Assessment and Examination Rules and Procedures](#). I te wā o te whakamātautau, me aro anake ngā ākonga ki ngā rauemi kua whakaaetia mō te whakamātautau.

Kāore e whakaae te kawae i tuhinga kē, i rauemi tautoko kē rānei ki roto i te wāhi tū ai ngā whakamātautau. Ka 3 hāora te roa ki te whakatutuki i tēnei whakamātautau.

Me tuhi i ngā kōrero ki te reo Māori anake.

HUKIHUKI